

Die drei Musketiere

TELL

Die Düse vorem Bundeshus, pro Kanton tuet eini sprütze
Us dr Glarnerdüse cunnt dr Ziger, us dr Bärner ä Milchpfütze
D Thurgauer bringe Moscht, vom Vallis gits mit Dole ä Teich
D Fribruger sprütze Bschütüti & Zürcher bringe nume Seich !

TELL

Eismal hane gseh u ha Dänkt dä heigi,
vil ds vil Bäzi glöötet
Siner Hamschterbäckli si vor Glück,
scho fasch ä chli errötet.
Mit glöstem Blick & wässrige ögli,
tuet är mit mir frolocke
weisch ufem Bundesplatz dert muesch,
eifach a ds rächt Ort häre hocke

**u später ghört me ne no süüsle,
am liebschte hani d Züri-Düse**

Bi däm Beck hie in Bümpliz gsesch ja sälber wases git
Warmi Berliner scho am Morge ä Hit!
U dr Fuchs fragt drum ou bi däm Beck überfründlech
Säget sie de die Herre ou würklech pünktlech

Dr Mechmed isch Vater vor Aisha, konkret
& die treit ihres Chopftuech nur no im Bett
Mechmed isch bööse wüll Aisha Tuech nümme treit
Überall isch vrbote, aber im Saleweidli dert geit !

TELL

über ds Hirni vo däm von Rohr, hätt gärn ou öppis gsunge
doch dr Zeichner hets trotz Mikroskop eifach nid härebrunge
Ufem Plakat isch halt nüt,
s tuet üs leid liebi Lüt mir hei üs sehr bemüht
hei üs Müeh Gä öppis ds zeichne
aber dert wo nüt isch isch halt nüt.

TELL

Ja üse Bundespräsi weis zu jeder Kriise Rat
„unsere Skifahrer sind heuer nideso parat“
Wir verschieben den Teil nach hinten & den da hier nach vorn
und schon gehören wir zu der Gewinnernation“

**Ou d Skispringer würde gschider jasse !
Mi tüecht „Skiplumpser“würdi besser passe !**

Vo üser Schinati gsesch hüür nid grad vil,
meischtens isches scho fischer dunge im Ziel
villech schaffts glich mal eine, dräi nid grad düre
aber denn chunnt de sicher, scho ds Gras wider füre

üsi miss Schweiz het im griechische Playboy posiert
U drumm hei **die** bim Schutte du däwä brilliert.
Vor üsem Skiteam chli ds Blüttele, das brächti sicher ou vil
aber leider isches ja äbe, scho fischer im Ziel.

Abem Bübbi vor Jackson, hei sich ja die Amis ufgregt,
und mi het du ender die Ufregig ufgregt.
Hei, sones Bübbi für üsi Nati, die würde sicher no schnäll
Im Ziel isches aber äbe leider,..... no immer nid häll

Die Grüene im Seeland tuets schuderhaft stresse
Nume wüll d Amis im Seeland wei Piueli presse
für di ie Amis ab ds schrecke da wüsst ig wie, da wetti
D Gheimwaffe wär doch äs Büppli, vo üser Schock-Martinetti

Dr SCB u dr LOEB ds Bärn, das isch nid ganz ds gliiche
Sisch aber äüä bald gschider, weni ufe LOEB tue uswiche,
D Wahrheit isch, liebi lüt, mir schwöres euch hoch und heilig
Dr LOEB het eifach die besseri Sportabteilig

Die Schnizelbänggler us Baasel, bringes logger vom Hogger

Tschutte chönnesi äü cool & de Rotscher isch rotscher
Jä die sinn all so easy und immer guet druffe
Nur wänsi d Schnoore uf tien, dänn chunnts mir grad uffu !

TELL

Dr Bundesrichter Martin (rotz) Schubbart,
gründet jetz de ä Verein
Als einzigs Mitglied het äs fängs,
dr Alex „pfutin“-Frey
D Statute zwar die fähle no,
aber die zwe Herre fröits
Wüll ds Clupmotto das heisi scho,
äs heisst „Manne mit Speutz“

So chodere isch de im Fall hölle cool-Mann
Da hanget wortwörtlech mängisch no vil drann.
Äs befreit Hals & Rache & sött dr Hunger mal cho
rotz, choder, schluck
U scho heschte dis ds Zmorge gratis becho.

Bi null-füf dert ligt d Gränze meh söttme nid waage
Nieme mües mi dr Wirt voll zum Chare la traage !
Aber ohni Wy müesse ds si, da tue ig mi scho fraage
Wi wosch de dr von Rohr, dr Blocher samt Hirschhorn
Dr Fuchs, ds Salewidli und all dä Schissdräck am Fernseh
Überhoubt no ertrage?

TELL

Ä tschugger hetmi gschnappet, uf dr Heimfahrt sappermänt
Ganz weni hani ds vil gha nume öppe zwöi Pro....zänt
Är het gnotiert und wölle wüsse,
wasme müess suufe für sone Schibe
hanim gseit 6 liter Bier,
Beaujolais chasch du löu ja glich nid schribe

Si mir vier Sibesieche hie fertig mit singe,
tuet üs albe dr Beizer chli Beaujolais bringe
u was müesse mir tue für d null-füf Gränze ds erreiche
ganz eifach: Drei Tag lang nüt suufe u hüüfig ga seiche !

Schnälldurchluf :

Wenn eine tannigi Hose het und hagebuechig Strümpf
de chaner Tanze wie är wott, äs git ihm keiner Rümpf

ganz churz hett d Sonne vori gschune
und I ha sofort begriffe
die isch nume schnäll cho luege,
wo si als nächschts wott häre schiffe

Hesch Du Ratte i dr Wohnig,
de dänk no nid grad a ds vrchoufe
muesch eifach jede Sunntig
ganz lut „musicstar“ la louffe

u dr Stapi steit am Buffet, das isch ä Platz wos im tuet gfalle
zersch chli Wisse suufe u när chli lalalalalle

u da die Begert wott deheime, jetz ga regänte unerchannt
Houu bi ig froh, bi ig mit däre nid no öppe nach verwand

u die Musleme i dr Schwiz, die wie gschoche oder ghoue
Jetz de schiins ä Schuel, im Salewidli la erboue

u dr Arafat, git Löffu ab, seit shalom u geit äüä nitsi
u dr Moosi gei jetz ohni, sis Daisy-Mopsi obsi

Öb opsi oder nidsi, öb ä Schlaue oder ä Lappi
Irgendeinisch singt dr Sensemaa:
schi, schni schna, schna, schnappi !

Dr Jean Ziegler u dr Papscht, di hei am Gring öppis verheit
Di chöi ä gschlagni Stung lang schnure, ohni dasmese vrsteit.

u letscht Wuche ischs passiert, jetz geit de Servette i
und us mire Aktie vo däm Clup, machi jetze Konfetti

u jetz steit das Servette da, ohni Hemmli, ohni Hoose
spilt ke Rolle wüll die Gänfer, si eh scho fasch Franzose

u däm Hirschhorn, däre Pfiffe
musme mal Würscht ume Sarg ume bing, e,
so das bim Lichezug wenigstens
äs paar Hüng tüe nache springe

u vom von Rohr hei mir jetz keine me,
vo däm hei mir langsam gnue
Mir wie doch jetz nid gäge Schluss no afa dräckig tue.

U mir Drei si afa froh chöi mir jetzt de langsam höre
dä Lim da vode Schneutz, dä brönnt de grausam a dr Schnöre

Schprüch hei mir jetz keini me, mir hei nüt me i dr Hang
ds einzige wo mir no wei, isch Wein, Weib und Gesang !